

《佛說觀無量壽佛經》 補充講表

◎附表十九：

○佛告韋提希：「欲觀彼佛者，當起想念，於七寶地上，作蓮華想。」

《大乘百法明門論直解》云：「想者：於境取像，以為體性；施設種種名言，以為業用。」

靈芝元照大師於《觀無量壽經義疏》云：「華依於地，顯是臺座，非池蓮也。」

○釋迦毗楞伽摩尼寶，以為其臺。此蓮花臺，八萬金剛甄叔迦寶，梵摩尼寶，妙真珠網，以為校飾。

《觀無量壽經義疏》云：「釋迦毗楞伽摩尼寶以為臺，即蓮心也。……甄叔迦此云赤色寶，梵即翻淨。」

○於其臺上，自然而有四柱寶幢，一一寶幢，如百千萬億須彌山，幢上寶幔，如夜摩天宮，

《觀無量壽經義疏》云：「夜摩，即欲界第三空居天。彼天華光，莊嚴最勝，故多取為比。」

○佛告阿難：「如此妙華，是本法藏比丘願力所成。」

《觀無量壽經義疏》云：「彼國依報境界，身壽光明，種種莊嚴，一切果相，皆願所成，豈唯華座？」

寄此點示，使知淨土即佛願體，願由心發，即佛心體。」

○辛二、觀想聖像

《觀無量壽經義疏》云：「眾生無始未識真佛，多見形像，故使先觀。以像表真，觀佛易就。」

○癸一、觀佛緣由

《觀無量壽經義疏》云：「此一段經，我佛如來欲明佛觀，故於像觀之首，先敘觀佛之功；即是開示

眾生成佛要道。一經妙旨，唯在此文。」

○所以者何？諸佛如來，是法界身，入一切眾生心想中。

法界身：即法（性）身，可分為二：一、自性清淨法身（性德法身）：即眾生本源自性天真佛。人人

本具，不假修成，生佛一如，此身通因徹果。二、離垢妙極法身（修德法身）：即如來修德究竟

所成佛。離五住垢，斷盡煩惱，極三智妙，證得菩提，此身唯佛果方有。（糅合《彌陀要解講義》）

《觀經四帖疏》卷三云：「言法界者，是所化之境，即眾生界也。言身者，是能化之身，即諸佛身也。」

言入眾生心想中者，乃由眾生起念願見諸佛，佛即以無礙智知，即能入彼想心中現；但諸行者，若想念中，若夢、定中見佛者，即成斯義也。」

《大乘起信論》云：「問曰：若諸佛有自然業，能現一切處，利益眾生者，一切眾生，若見其身，若睹神變，若聞其說，無不得利，云何世間多不能見？答曰：諸佛如來，法身平等，遍一切處，無有作意故，而說自然。但依眾生心現，眾生心者，猶如於鏡，鏡若有垢，色像不現。如是眾生心若有垢，法身不現故。」

《觀無量壽經義疏》云：「初句，徵：謂觀佛其利安在？諸下，釋：此中正說彌陀，以法身體同，故言諸佛。華嚴云：【一切諸佛身，唯是一法身；一心、一智慧，力、無畏亦然。】此明諸佛果證法身，無所不遍；則與眾生因地法身，無二無別。故眾生作想，佛身隨應。疏云：【眾生心淨，法身自在，故能入眾生心想中。如白日昇天，影現百川。】故想佛心，即是三十二相、八十種好也。如勢至圓通云：【十方如來憐念眾生，如母憶子。】此明佛常念

眾生。【若子逃逝，雖憶何為？】此明眾生不念，有應無感也。【若眾生心憶佛念佛，現前當來必定見佛，去佛不遠。】此明眾生念佛，感應道交也。此實彌陀世尊同體大慈悲善根力，隨緣赴感，應物垂形，不思議用。苟明此理，佛入何疑！」

○是故汝等心想佛時，是心即是三十二相，八十隨形好。是心作佛，是心是佛。

《觀經四帖疏》卷三云：「此明標心想佛，但作佛解。從頂至足，心想不捨。一一觀之，無暫休息。

或想頂相，或想眉間白毫乃至足下千輪之相。作此想時，佛像端嚴相好具足了然而現，乃由心緣一一相故，即一一相現。心若不緣，眾相不可見；但自心想作，即應心而現，故言是心即是三十二相也。言八十隨形好者，佛相既現，眾好皆隨也。此正明如來教諸想者具足觀也。言是心作佛者，依自信心緣相如作也。言是心是佛者，心能想佛，依想佛身而現，即是心佛也，離此心外更無異佛者也。」

諦閑大師於《大乘止觀述記》云：「同修無量壽業，謂同修往生阿彌陀佛極樂淨土之業。」性依薰起，

顯現淨土」八字，說盡念佛法要。謂本具之佛性，為無明覆障故，必依淨業之薰力，薰令生起。所謂心想佛時，是心即是三十二相，八十隨形好，是故念他佛，即是念自佛也。然以積垢之身，非仗彌陀悲願，何能自拔！故一句萬德洪名，當如孩提之呼父母，心口宛轉，聲淚交迸，有非蒙垂手提攜不可之勢。如是真誠，方能薰起，顯現淨土。所以念自佛，必須念他佛也。」

※心作心是（是心作佛，是心是佛；是心作眾生，是心是眾生。）

《觀經疏妙宗鈔卷三指出：「作有二義：一、淨心能感他方應佛，故名是心作佛。二、三昧能成己之果佛。是亦二義：一、心即應佛，故名是心是佛。二、心即果佛，故名是心是佛。」

《印光大師文鈔菁華錄》·釋普通疑惑云：「心具即理體，心造即事修。心具，即是心是佛；心造，即是心作佛。是心作佛，即稱性起修；是心是佛，即全修在性。修德有功，性德方顯。雖悟理而仍不廢事，方為真修。否則便墮執理廢事之狂妄知見矣。」

○諸佛正徧知海，從心想生。（是心作佛，是心是佛。）

《觀經四帖疏》卷三云：「言諸佛正徧知者，此明諸佛得圓滿無障礙智，作意不作意，常能徧知法界之心；但能作想，即從汝心想而現，似如生也。」

《觀無量壽經義疏》云：「正徧知者，十號之一也。出世法無不究盡，深廣無際，故喻如海。佛德無邊，略舉徧知，以攝餘者。果人萬德，皆心想生；意勉下凡，專勤修習，功不虛矣。」

《觀普賢菩薩行法經》云：「一切業障海，皆由妄想生。」（是心作眾生，是心是眾生。）

《靈峰宗論》卷二云：「諸法無性，盡隨心轉。心為名利，一切趨名利；心為菩提，一切趨菩提。」

○是故應當一心繫念，諦觀彼佛多陀阿伽度、阿羅訶、三藐三佛陀。

《觀無量壽經義疏》云：「祇由觀佛功德高深，故勸繫想。前則通舉諸佛，此則別指彌陀，結歸今經正意，故云：諦觀彼佛。多陀阿伽度，此云如來。阿羅訶，此云應供。三藐三佛陀，此云正徧知。即十號中，略舉三號。」